

太常因革禮

太常因革禮卷第八十一

新禮十四

享先代聖賢

祠大火

京師及州縣祭酺

享先代聖賢

封禪記大中祥符元年封禪禮畢車駕至兗州曲阜縣躬謁文宣王祠詔封孔子父叔梁紇爲齊公追封顏氏魯國太夫人伯魚母上官氏鄆國夫人令兗州遣官祭於曲阜廟封禪記大中祥符元年十月詔以武戡亂七德著其善經豐功在人百世存乎明祀維師尚父寔贊隆周總九伯以專征演六韜而垂法蓋自天之攸縱乃言兵之所宗

義叶弛張運更休否欽崇龍豹之略敷述虎羆之祥肇建
嚴祠增加顯號與國庠而並設紀時祭之彝章施及我朝
祇若前典今以省方輯瑞報貺陟封瞻錫履之舊邦封圻
俯適稽鈞璜之遺烈篇籍可求爰責威靈詳求茂實恭陳
備物昭薦庶名宜加謚昭烈武成王仍於青州特建祠廟
春秋委長吏致祭宜付所司擇日備禮冊命

祠大火

禮院例冊康定元年太常博士集賢校理胡宿奏竊聞南
京鴻慶宮災此上天示變以告人主臣未暇推言災異之
意略陳經義願國家脩火祀臣謹按春秋士弱對晉侯曰
古之火正或食於心或食於味陶唐之火正曰閼伯居商

邱祀大火而大紀時焉說曰大正謂大官也掌祭大星行
火正後世以爲火祖相土契之曾孫代閼伯後主大星宋
其後也按商邱在今南京太祖皇帝受命之地當房心之
次以宋建號用火紀德蓋取於此至真宗皇帝始升建京
邑號爲三都則閼伯之神上祀大火國家之興實受其福
至於祀典尤宜超異於今閼伯祠在商邱之上邱高二十
餘丈祠屋制度狹小又不領天子之祠官歲時府吏享祀
而已甚非報本尊始崇大秩祀之意也臣愚願詔太常列
於祠官春秋二時遣使持版祝齋祀或遣近臣或委留司
長吏攝行祠事對祭大火比年國家數有大災宜遣使告
謝因飾祠宇以伸嚴奉之意禮官議曰閼伯爲高辛大正

寔居商邱主祀大火能宿其官後世因之祀爲貴神配火
侑食亦如周棄配稷后土配社之比下歷千載遂爲重祀
祖宗以來郊祀上帝而火神已在從祀閼伯之廟每因赦
文及春秋又委京師長吏致奠成秩之典未始云闕然國
家有天下之號實本於宋五運之次又感大德竊謂宜因
興王之地商邱之舊作爲壇兆秩祀大火以閼伯配之每
建辰建成出紂之月每降祝版詔留司長吏奉祭行事遷
豆牲幣得視中祠雖非舊章特示新禮其閼伯舊廟請如
宿所奏官給材費量爲修飾宿又言比年國家數有火災
宜遣使告謝凡灾祥之起繫於時政消復變異寔在明德
告祭之儀恐未可施行其壇兆儀制續具申請頒下詔從

之其火祀壇高五尺廣二丈四出陛陸廣五尺詔下壇二十五步禮用一步罕三獻官以長吏以下充太祝奉禮以州縣官攝公服行事

京師及州縣祭酺

禮院例冊慶歷四年六月臣寮上言天下螟蝗頗爲民物之害伏緣祈禱之禮籍在太常臣欲乞京師內外並修祭酺以禳天災詔送禮院定在京及外州縣祭酺壇位禮料等禮院稱按周禮族師春秋祭酺辨酺者爲人物災害之神也鄭康成云校人職有冬祭馬步則未知此酺者蜂螟之酺歟人鬼之酺歟蓋亦爲壇壝如雩禱云然則校人職有冬酺是與馬爲害者此酺蓋亦人物之害也康成不知

何神故舉漢法以況爾漢時有蜾螟之醺神又有人鬼之醺神未審果從何醺故兩言之歷代書史悉無祭醺儀式今欲準祭馬步儀施行壇在國城西北祭儀禮料並屬小祀今乞差官就馬壇設祭神宜稱為醺神祝文係學士院撰定若外州者即略依祭禮今撰到儀式祝文乞隨敕頒下 禮院例冊是歲儀注先擇便方除地設營繒為位

謂立去祀
以代壇

祀官先祭一日致齋祭日設神座內向用樽及

營繒

邊豆各一實以酒脯醢設於神座之左又設盥洗及篚於酒樽之左俱內向執事者位於其後皆以近為上薦神用幣帛幣色白長一丈八尺在堂將祭贊者贊祀官拜就盥洗訖進至神座前上香奠幣俛伏興退詣盥洗盥悅爵實以酒再詣神

座前奠爵祝文曰維某年歲次月朔日辰州縣具官姓名
於醺神蝗蝻薦生害於嘉穀惟神降祐應時消殄謹以清
酌制幣嘉薦昭告於神尚饗祝訖再拜退瘞幣如常儀禮
院例冊皇祐三年十二月大理寺丞充閣館校勘邵亢奏
臣謹按周官太祝掌六祈之禮所以祈禳凶厲迎善祥而
與民求福也竊見淮浙等路仍歲饑疫殍殣相望動以千
計承前郡縣禱祈類不如禮儀物罕備誠恪不修人之罹
災無所除禳伏惟陛下天覆之仁備於振卹欲乞特降指
揮差禮官分往諸路遍祀山川祠廟之在舊典者所冀達
聖主憂人之心興明神觀德之福蠢茲氓庶寔繫安生詔
可

太常因革禮卷第八十一

太常因革禮卷第八十二

新禮十五

州縣祭風師雨師雷師 河中府祭后土廟

州縣祭風師雨師雷師

禮院例冊大中祥符二年詔有司裁定州縣祀風師雨師

雷師儀云前三日刺史縣則縣令散齋於別寢二日致齋

於廳事一日亞獻已下預祀之官散齋二日各於正寢致

齋一日皆於壇所上佐為亞獻今以通判官為亞獻錄事

並以次差攝縣則主簿為亞獻尉散齋理事如舊惟不吊

喪問疾不作樂不判刑赦文書不行刑罰不預積惡致齋

惟祀事得行其餘悉斷諸從祀之官各清齋於公館從祀官於

刺史未出之前先赴祀所前二日本司預脩除壇之内外風師壇置在

社壇之東雨師壇在社壇之西各稍北三數十步其壇卑

小於社壇設燎壇於神壇之左內壇之外稍高於神壇積

柴於上門上南出戶設刺史次於壇東門之外道南北向

設祀官已下次於刺史東南俱北向以西爲上前一日脯

後本司帥其屬守神壇四門去壇九十步所餘七十步禁止行

人本司設刺史位於南門之內道西北向若刺史有故通攝設初獻官位

於亞獻位之前設亞獻終獻位於壇東南設掌事者位於

東門之內道南俱每等異位西向北上設贊唱者位於終

獻之後稍東西向設州官位於祀官掌事之南西向府官

位於西方當州官東向俱重行北上設望燎位於壇南西

向西向設門外位祀官以下於東門之外道北州官於祀
 官之北俱重行南向以西為上府官於西門之外道北重
 行南向以東為上祭器之數每座罇二盞八豆八簋簋各
 二俎三羊豕豕掌事者以罇站升自東階各設於壇上東
 南隅雷師之罇在東俱北向西上皆加勺畢兩師爵一雷
 師爵四各置於站設洗於壇三步所北向盪水在洗東加
 勺畢篚在洗西南肆寔爵三巾於篚加畢執壘洗篚之後
 祀日未明烹牲於厨夙興掌饌者實祭器牲雞羊豕皆載
右肘前脚三
節肩膊為節一段皆載之後脚三節即一段去下一節
或上脫能二節又取正脊中各橫脊短脇正脇代脇各二
骨以並能皆不設蓋寔黍稷豆實粱蓬寔石鹽乾魚棗栗
棗茨鹿脯豆寔韭醢醢菁苴鹿醢醢醢蘆苴魚醢芹苴
各臨若土無者本司帥掌事者以席入自東門詣壇東階

升設兩師神座於壇上近北南向又設雷師座於兩師之東俱南向席皆以莞質明諸祀官及從祀之官各服其服

祀官服公服從祀之官應公服者公服非公服者軍服 本司帥掌事者入實樽壘

上饗二一實元永為 祝版各置於站祝以幣各置於篚

幣皆用白各長一丈八尺 贊唱者先入就位諸與執樽壘者入自東

門當神壇南重行北向以西為上立定贊唱者曰再拜祝

已下皆再拜執樽者各升自東階立於樽所執壘者各就

位諸祝詣神壇升自東階行掃除於上降行掃除於下訖

皆就位刺史將至贊禮者引祀官及從祀之官與掌事者

俱就門外位刺史至參軍錄事引之次贊唱者先入就位

刺史停於次少頃服祭服

並集祀官並公服行事

出次參軍事引刺

史入自東門就位北向立參軍事立於刺史之西少退北向

贊禮者引祀官已下及從祀之官次入就位

凡導引者每曲一進退

立定贊唱者曰再拜刺史已下皆再拜參軍事少退刺史之左東向曰請行事退復位本司帥執饌陳於東門之外祝以幣投刺史參軍事引刺史詣南階升神壇北向跪奠幣於兩師神座前訖興少退再拜祝以幣投刺史參軍事引刺史以東詣雷師神位前北向跪奠幣於神座前如兩師之儀訖參軍事引刺史降復位本司引饌入兩師之饌升自南階雷師之饌升於東階諸祝迎引於壇上各設於神座前

蓬豆孟畢先徹乃升簋蓋既奠却其蓋於下蓬居右豆居左簋蓋居其間羊豕二俎橫而重於右

於左得本司於執饌者降自東階復位諸祝各還轉所參軍

事引刺史詣壘洗執鐃者酌水執洗者跪取盤興承水刺
史盥手執篚者跪取巾於篚興進刺史刺史帨手訖執篚
者受巾跪奠於篚遂取爵興以進刺史刺史受爵執壘者
酌水刺史洗爵執篚者又跪取巾於篚興進刺史刺史拭
爵訖受巾奠於篚奉盤者跪奠盤興參軍事引刺史自神
壇南階升詣兩師酒鐃所執鐃者舉纂刺史酌醴齊參軍
事引刺史詣兩師神座前北向跪奠幣興少退北向立祝
持版進於座之右東向跪讀祝文曰維某年歲次月朔日
辰具官姓名敢昭告於兩師之神惟神茂育百嘉允資膏
澤載惟利物敢怠潔蠲謹以制幣牲齋菜盛庶品明薦於
神尚饗祝興刺史再拜祝進跪奠版於神座興還鐃所刺

史拜訖參軍事引刺史詣雷師酒樽所取爵於北執樽者
舉畢刺史酌醴齊參軍事引刺史詣雷師神座前北向跪
奠爵興少退北向立祝持版進於神座之左西向跪讀祝
文曰維某年歲次月朔日辰具官姓名敢昭告於雷師之
神惟神出地起蟄功施奮豫羣萌必達美利無疆謹以制
幣牲齊菜盛庶品明薦於神尚饗祝興刺史再拜祝進跪
奠版於神座興還樽所刺史拜訖參軍事引刺史進當兩
師神座前北向立祝各以爵酌福酒合置一爵祝前持爵
進於刺史之右西向立刺史再拜受爵跪祭酒啐酒奠爵
興祝帥執饌者以俎進減神座前胙肉各取前脚第二骨共置一
俎上興祝持俎西向進刺史刺史受以授左右刺史跪取爵

遂飲卒爵祝進受虛爵復於坵刺史興再拜叅軍事引刺史降自南階還本位初刺史獻將軍贊禮者引亞獻詣壘洗盥手洗爵訖贊禮者引亞獻自神壇東階升自兩師酒酌所執爵者舉畢亞獻酌醴齊贊禮者引亞獻詣兩師神座前北向跪奠爵興少退北向再拜贊禮者引亞獻詣雷師酒樽所亞獻取爵於坵執爵者舉畢亞獻酌醴齊贊禮者引亞獻詣雷師神座前北向跪奠爵興少退北向再拜贊禮者引亞獻當兩師神座前北向立祝各以爵酌福酒合置一爵一祝持爵進于亞獻之右西向立亞獻再拜受爵跪祭酒遂飲卒爵祝進受虛爵復於坵亞獻興再拜贊禮者引亞獻降自東階復位亞獻將畢贊禮者引終獻詣

盥洗盥洗升酌終獻如亞獻之儀訖降復位諸祝各進神

座前跪徹豆還樽所

徹者還豆各一少移於故處

贊唱曰賜胙再拜

非

福受胙者皆再拜

贊唱者又曰再拜刺史已下皆再拜參軍事少

進刺史之左東向曰請就望燎位參軍事引刺史就望燎位南向立祝執事者跪取幣及祝版以俎載牲體黍稷飯爵酒興自南階降壇南行當柴壇南東行自南階升柴壇以幣祝版饌物置於柴上戶內訖贊禮曰可燎東西向各二人以炬燎火半柴參軍事少進刺史之左西向曰禮畢遂引刺史出還次贊禮者引祀官以下次出諸祝及執鐸罍篚者降復掌事位贊唱者曰再拜祝以下皆再拜以出禮閣新編大中祥符二年四月日太常禮院狀準中書送

到襄州狀處工部員外郎查道奏臣自知襄州因春秋祭祀諸廟其風伯雨師自來止差縣官獻享臣伏見國家授民時重祀事闕典備補無文咸秩剋唐朝德宗尚曾展拜今州長吏多不躬祀臣無狀守土凡祠祭日未嘗不親往奠薦伏慮天下郡邑有止差縣官處乞降勅命詔守臣親自享奠勅令太常禮院遍牒天下依道所奏施行道又奏天下州縣未能詳審儀制所有祭風伯雨師時日并牲幣等乞詔有司檢詳典禮遍體式禮院檢討到故事如佐一唐會要天寶四年七月勅稱風伯雨師濟時育物謂之小祀未協典章去年衆星尚入中祀永言比儀固合同升自今宜升入中祀所令諸郡置壇因春秋祭祀日同申享祀

風伯置社壇東南師置社壇西其壇平於社風伯之祀用
立春後丑雨師之祀用立夏後申一據在京風伯雨師並
用中祀禮料羊豕各一通禮序例云州縣諸神祠並用小
祀風師祀以春雨師雷師祀以夏各用蓬八豆八簋簋各
三羊一酒樽二俎三饔一洗一篚一各置於北中二爵
共四站共二幣帛一丈八祝版神酒等皆須嚴潔認可

禮閣新編大中祥符二年十月十六日中書門下牒太常
禮院翰林學士給事中晁迥等奏準中書送下知白州曾
世南狀稱準初依查道所奏風伯雨師並令知州親自享
奠臣恭奉詔條凡有祭祀並皆親至祠所致祭竊見祝文
並獻奠牲幣之儀蓬豆饔爵之器皆無制度欲乞下禮院

檢討舊典詳定所闕諸合祭儀式頒降天下州縣久長奉
行禮院稱諸州風伯雨師儀式禮文不載止按唐會要天
寶四載九月勅諸郡風伯壇在社壇東雨師壇在社壇西
各稍北三數十步其壇卑於社其祭官以太守已下充神
位各設於本壇上南向幣帛祝版同燔於東南兩地致齋
日數陳設饋饗牲帛奠獻豆簋簠爵站篚畢之屬及行
禮儀式次第欲望此社稷儀注施行惟神位南向爲異亦
乞雕印頒行天下傳之无極詔可

河中府祭后土廟

禮院例冊太平縣國四年八月十三日河中府奏準初新
修后土廟切緣不知祭祀禮儀劄付禮院檢定施行禮院

奏定后土廟祭器牲牢欲依先代帝王爲中祀例致祭用
羊豕各一送豆各十簋罍各二幣帛香酒等行事官以本
州長官爲初獻上佐官以下爲亞獻三獻諸獻官各散齋
二日於正寢致齋一日於廟所散齋理事如舊唯不吊喪
問疾不判刑殺文書不行刑罰不預穢惡致齋唯祀事得
行其餘悉斷其祭官已齋而闕者通攝行事諸祭官致齋
之日各習禮於齋所前一日令清掃廟之內外整拂神座
設祭器籩豆罍俎簋簠於廟堂上設幣篚於罍所設洗於
東階東南罍在洗東篚在洗西享日未明烹牲於廚掌饌
者實酒於罍太祝已下先入立於庭北面贊唱者曰再拜
在位官皆再拜升自東階立於罍所贊明贊禮者引祭官

已下俱就門外立定一刻頃贊禮者引祭官已下入就位
贊禮曰再拜在位者皆再拜贊禮者進於初獻之左白有
司謹具請行事退復位贊唱者曰再拜在位者皆再拜引
初獻升自東階當神座前北向太祝取幣幣用白長丈八尺進初
獻受幣跪奠於神座前興出戶再拜贊禮者引初獻降復
位少頃又引初獻詣盥洗盥手洗爵升自東階詣罍所執
罍者酌醴齊引初獻詣神座前跪奠爵興出戶北向太祝
於門外面東跪讀祝文訖初獻再拜太祝奠版於神座前
贊禮者又引亞獻詣盥洗盥手洗爵升自東階詣酒樽所
執罍者酌酒引亞獻入詣神座前北向跪奠訖興出戶再
拜贊禮者引亞獻降階復位贊禮者又引三獻官行事如

亞獻之儀退復位贊唱者曰再拜諸獻官已下皆再拜訖
退祝取版幣焚於廟所 禮院例冊景德四年正月皇帝
將朝拜諸陵祭河中府后土廟禮院詳定儀注準禮例后
土廟大祀禮料幣帛丈八尺蓬豆十二爵盞散瑪各一龍
杓二爵北一燭臺一神酒香席褥疊洗篚等獻官一員準
禮例中書門下奏差請文太祝奉禮各一員下本府差曹
官攝事其儀注則祭前一日掌事者造供禮料祭食宰秩
牲牢務要嚴潔未明三刻實饌陳布樽站位如常儀行事
官及祝史前一日赴廟所致齋一宿未明一刻贊禮者本
禮生引至廟堂階下東南西向席位太祝奉禮陪其後禮
生贊再拜在位俱再拜禮生稍前白有司謹具請行事又

贊再拜在位官俱再拜禮生引獻官升詣后土神座前北向指笏跪捧幣奠幣其幣奉祀供通奠訖俛伏興出戶外北向再拜訖降階詣壘洗指笏盥手悅手執笏升詣后土神前北向指笏跪執爵奠酒再拜終獻奠置爵訖出戶外席位立太祝讀文訖獻官再拜俱降階復位西向重行異位禮生贊拜在位官皆再拜訖其版幣於廟堂之北壬地焚瘞如常儀奉勅獻官一員差工部尚書王化基乘遞馬進發祭服祭器自京遞置以往祝文學士院脩撰進書訖降付所司 禮院例冊大中祥符二年正月十四日勅河中府后土廟宜令禮院依禮例製造衣冠齋送往彼者禮院稱伏緣禮令不載后土合服衣冠今詳檢到皇后所服禮衣未

敢依此迴牒少府監脩製造候勅旨一準衣服令皇后服

首飾花十二株

小花如大花之數并兩博簪

律衣

深青織成為之文為翠翟之形素縠五色

十二素紗中卑繡領羅襖標襪

襪襪皆用朱色蔽膝為領緣用翟

三等幸大帶

隨朱色朱裏純其外上以朱絛下以絛細約用青組

以青衣革帶青襪

賜金飾白玉雙珮元組雙大綬六采元黃赤白縹緋純元

質長丈四尺五百首廣一尺

小雙綬長二丈六寸色同大綬而首半之間施三玉環

受冊助祭朝會諸大事則服之詔令宜依皇后禮衣脩製

太常因革禮卷八十二

太常因革禮卷第八十三

新禮十六

契丹國信使副元正聖節朝見宴

契丹國信使副辭

契丹國信使副元正聖節見宴

禮閣新編自景德澶淵會盟之後始有契丹國信使副元正聖節朝見大中祥符九年有司遂定儀注其儀前一日通事舍人或閤門祇候并閤門承受行首就驛習儀朝見日長春殿起居班絕皇帝崇德殿坐樞密使已下大班起居訖宰臣叅知政事如遇百官起居依例押百官班入如不遇百官起居出於大班退親王班前入起居升殿侍立

臣寮起居班次至員寮起居後館伴使副一班入通班大起居訖只於東西五次接書匣閤門使升殿於內客省使侍立位稍南少退侍立次通事舍人不通喝拜兩拜奏聖躬萬福又喝拜兩拜萬歲喝祇候赴東面柱引契丹使副

如遇百官起居候左右迎使出館伴使副入次通事人

舍人引契丹使副自外捧書

匣入起居當殿立天武官接禮物分東西面入以東爲首於殿庑排列訖舍人喝天武官起居兩拜隨拜萬歲訖奏

聖躬萬福訖喝各祇候

如率馬天武官則不拜只應

閤門使從東階降

將至契丹使位北舍人揖契丹使跪進書匣閤門使側身揖笏跪接得書匣舍人却揖契丹使立閤門使執笏捧書匣升殿當御前揖笏進呈訖授內侍都知

其閤門使退歸殿上立位

內侍都知拆書訖轉授宰臣宰臣拒密使已下近前進呈
書訖退歸侍立擡過禮物候出絕舍人與館伴使副等引
契丹使副至殿東階下閤門使下殿揖引同升殿當御前
立國信大使跪傳國主問聖體通事傳驛舍人當御前鞠
躬傳奏訖揖起北使皇帝宣問門使回問國主問門使傳
問通事驛契丹使跪奏通事傳譯舍人當御前鞠躬奏聞
訖揖起却引降東階引至辭見位面西揖躬舍人當殿東
北朝國信使其官某甲祇候見應喏絕引當殿唱拜大起
居其拜及舞蹈並依本國儀出班謝面天顏歸位唱拜舞蹈拜訖又出
班謝沿路館驛御筵茶藥及傳宣撫問又歸位唱拜舞蹈
拜訖舍人宣有勅賜窄衣一對金蹀躞子一條金鍍銀冠

一頂靴一量衣著三百疋銀器二百兩鞍轡馬一匹

每句應略

跪受起舞蹈拜訖喝祇候西出其奏聖躬萬福致詞並是
通事傳譯舍人當殿鞠躬奏聞次通北朝國信副使某官
某甲祇候見應喏訖引當殿贊喝大起居訖離位謝面天
顏歸位兩拜指筭舞蹈三拜又離位謝沿路館驛御筵茶
藥及傳宣撫問却歸位又兩拜指筭舞蹈三拜舍人宣有
勅賜衣一對金腰帶一條幘頭靴笏衣著二百疋銀器一
百兩鞍轡馬每句應略指筭跪受就拜起又喝兩拜指筭舞蹈
三拜喝祇候西出次通事及舍人引舍利已下分班入不
通使引合班贊喝大起居

其拜及舞蹈並依本國儀

其奏聖躬萬福並

是通事當殿鞠躬傳奏舍人喝有勅賜衣服束帶衣著銀

罷分物應喏跪受擡擔床絕起舞蹈拜訖各祇候分班引出次引差來通事已下從人分班入不通便引合班喝兩拜奏聖躬萬福又兩拜隨拜萬歲喝有勅各賜衣服腰帶衣着銀罷分物唱喏跪受候擡擔床絕就拜起喝兩拜隨拜萬歲喝各祇候唱喏分班引出次行門殿直入起居訖殿上侍立文明殿樞密院直學士三司使內客省使下殿舍人合班奏報閤門無事唱喏訖卷西出客省閤門使已下東出其排立供奉官已下橫行合班宣徽使殿上喝供奉官已下各祇候分班出並如常儀皇帝降座還內契丹使副并從人着所賜衣服束帶腰帶畢承授引赴長春殿門外閤子內候殿門外階下從人立定并侍宴臣寮宰臣親

王樞密使叅知政事宣徽使當直翰林學士及文明殿學士資政殿大學士資政殿學士侍讀侍講學士龍圖閣直學士樞密直學士觀察使已下並穿執赴長春殿門外祇候其館伴使如不是合預待宴臣寮閤門臨時奏聽進止候長春殿諸司排當有備閤門使副入內都知奏班齊皇帝座鳴鞭宰臣親王已下並穿執分班舍人引入其契丹親王班入其餘並依圖子其館伴使如合入預坐及特令坐者並依本班序立舍人通某甲已下唱喏班首奏聖躬萬福舍人喝各就坐喝兩拜隨拜萬歲喝就坐分班引上殿或皇帝撫問契丹使副舍人並引下殿喝兩拜隨拜萬歲喝各就坐次舍人通事分引舍利已下東西分班喝兩拜喝就分

引赴兩廊下次舍人引差來通事從人東西分班入合班
喝兩拜隨拜萬歲喝就坐分引赴兩廊次喝教坊已下兩
拜班首奏聖躬萬福又喝拜兩拜隨拜萬歲喝各祇候次
引者蓋二人稍近前喝拜兩拜隨拜萬歲喝上殿祇候分
東西上殿立有司進茶床內侍酌酒訖問門使殿上當御
前鞠躬奏某甲已下進酒餘如常儀如傳宣勸人使酒揖
起離位喝拜席後兩
拜隨拜萬歲合
就生如常儀宴起宰臣已下降階舍人喝兩拜搢笏舞
蹈喝各祇候分班出次舍利合班喝兩拜舞蹈三拜拜謝
訖喝各祇候分引出次通事從人合班喝兩拜隨拜萬歲
喝各祇候分班引出次喝教坊使已下兩拜隨拜萬歲喝
各祇候如傳宣賜茶酒又喝謝茶酒拜兩拜隨拜萬歲喝

各祇候出閤門使殿下近前側奏無事皇帝降座鳴鞭還內

契丹國信副使辭

禮閣新編契丹國信副使辭皇帝長春殿坐內寢起居班
欲絕傳宣先前殿不生行門殿直入次宰臣樞密使已下

入起居

宰臣樞密使上殿侍立候起居班絕閤門更不引見謝拜公事如宰臣樞密使有公事奏覆即候奏

畢舍人奏閤門無公事奏便一齊下殿

皇帝起諸司排當有備催應合赴崇

德殿侍生臣寮

三司使其日亦赴生

並穿執於崇德殿度儀石北東

西相向立班定閤門使附入內都知奏班齊皇帝坐鳴鞭

舍人喝拜東西班殿侍兩拜隨拜萬歲奏聖躬萬福喝各

祇候次舍人於儀石南當殿通館伴使副其甲已下一班

常起居舍人却轉身面西喝拜更不設對立舍人具館伴

使如合預坐及持令坐者歸本班序立如不合預坐只於
東西西向立候宰臣已下升殿即出其館伴副使即西階
面東向立候宰臣已下升殿即殿侍立次通拜丹使云某
甲常起居訖引赴西向立班次通副使云某甲常起居訖
引赴西向立班館伴使副并新丹使副舍人引宰臣已下
橫行通某甲乙下應喏奏聖躬萬福唱各就坐應喏喝拜
兩拜隨拜萬歲喝就坐分升殿東西相向立定次通事及
舍人引契丹舍利已下分班入不通便引當殿立定揖躬
喝兩拜後奏聖躬萬福唱各就坐又喝兩拜隨拜萬歲喝
就坐引上兩廊立次舍人引差來通事從人分班入不通
便引當殿立定揖躬喝兩拜奏聖躬萬福唱各就坐又喝

兩拜隨拜萬歲喝就坐一分引上兩廊立次舍人通教坊
使者盞及進茶床內侍酌酒并閤門使奏進酒並如長春
殿宴日之儀酒五巡起宰臣已下降階立班定舍人喝兩
拜指筴舞蹈三拜喝各祇候宰臣樞密使已下並三司使
文明殿學士樞密直學士升殿侍立內客省使亦從東邊
入升殿侍立其餘臣寮并契丹使副並出次引契丹舍利
喝拜舞蹈謝訖分引出次引差來通事從人喝兩拜隨拜
萬歲謝訖分班引出次喝東西班殿侍兩拜隨拜萬歲喝
各祇候出次喝教坊使已下兩拜隨拜萬歲喝各祇候出
於傳宣賜茶酒更喝謝茶酒拜又兩拜隨拜萬歲喝各祇
候出已上班絕舍人一員與通喝舍人對立再引契丹使

入面西揖躬舍人當殿通北朝國信使某官某甲祇候辭
通訖引當殿喝兩拜出班致詞通事傳譯舍人當殿鞠躬
聞奏歸位又喝拜兩拜訖宣有勅賜窄衣一對金束帶一
條細衣着一百匹衣着二百疋銀器二百兩每句跪受起
又喝拜舞蹈拜訖喝好去舍人引出次引副使入面西揖
躬舍人當殿通北朝國信副使某官某甲祇候辭通訖引
轉當殿喝拜兩拜出班致詞訖歸位又兩拜喝有勅賜窄
衣一對金束帶一條細衣着一百疋衣着一百疋銀器二
百兩每句指笏跪受就拜起又喝兩拜指笏舞蹈三拜喝
好去舍人引出次通事及舍人引舍利已下分班入不通
便引合班喝兩拜有勅各賜衣服衣着銀器分物應喏跪

受擡床絕起又喝拜舞蹈拜訖喝好去分班引出次引差
來通事從人分班入不通便引合班喝兩拜喝有勅各賜
衣服衣着銀器分物應喏跪受候擡擔床絕就拜起又喝
拜兩拜隨拜萬歲喝好去分班引出其使副外面各着所
賜窄衣束帶訖再引入先揖國信使當殿喝拜兩拜隨拜
萬歲引近北向西立次引副使當殿喝拜兩拜隨拜萬歲
喝祇候引典國信使同升殿當御前立皇帝宣問門使授
旨傳語國主舍人揖國信使跪問門使傳旨通事傳驛訖
揖國信使起立問門使御座前跪指筭於內侍都知處捧
書匣舍人揖國信使跪問門使跪分付訖揖起下殿西出

太常因革禮卷第八十四

新禮十七

高麗國使副見辭

交州使副見辭

宜州西南蕃黎州等處蠻王子見辭

海外進表蕃客見辭

高麗國使副見辭

禮閣新編大中祥符元年高麗國使副八貢遂詔有司裁定儀注儀曰使副已下一班候見班絕謝班前捧表函入面西揖躬立候舍人當殿通高麗進奉使副某官某甲已下祇候見應喏舍人一員引當殿跪進表函舍人接出送

客省進內舍人喝拜大起居訖出謝面天顏弘路館券都
城門外茶酒歸位又喝拜兩拜指筭舞蹈三拜又出班附起
居歸位又兩拜宣有勅賜某物兼賜酒食每句指筭跪授
箱過俛伏興喝拜兩拜指筭舞蹈三拜喝祇候出逐日前
殿於侍衛司員寮後起居總管押衙已下次使副入不通
名使引當殿喝拜兩拜奏聖躬萬福又喝拜兩拜隨拜萬
歲宣有敕賜某物兼賜酒食應喏跪授箱過俛伏興又兩
拜隨拜萬歲喝各祇候出逐日更不起居軍將已下並門
見賜例物酒食其朝辭日使副已下候辭班絕入面西揖
躬舍人通高麗進奉使副某官某甲已下祇候辭應喏舍
人一員引當殿喝拜兩拜奏聖躬萬福又喝拜兩拜出班

致詞歸位又喝拜兩拜宣有勅賜某物兼賜酒食應喏指
笏跪受箱退俛伏興又兩拜指笏舞蹈三拜喝好去總管
押衙已下次使副入不通名便引當殿唱拜兩拜奏聖躬
萬福又喝拜兩拜宣有勅賜某物兼賜酒食應喏跪授箱
過俛伏興又兩拜隨拜萬歲喝好去出將軍已下門辭賜
例物酒食

交州使副見辭

禮間新編大中祥符元年交州使副入貢遂詔有司裁定
儀注儀注使副或押衙並於見班絕謝班前捧表函入面
西揖躬候舍人通交州進奉使某官某甲祇候見已下押衙
通交州進應喏引當殿跪進奉函舍人接出客省進內喝
奉使某甲

拜兩拜稽笏舞蹈三拜奏聖躬萬福又唱拜兩拜出班附
起居歸位兩拜宣有勅賜某物兼酒食應喏稽笏跪受箱
過俛伏興又兩拜稽笏舞蹈三拜喝祇候出逐日長春殿
前司員寮班後起居軍將從人並門見賜例物酒食其朝
辭日便入面西揖躬舍人通交州進奉使副或押衙候辭
班絕如押衙已下只通交州進奉使某甲應喏引當殿使某官某甲祇候辭
喝拜兩拜出班致詞歸位又喝拜兩拜奏聖躬萬福賜酒
應喏稽笏跪授箱過俛伏拜宣有勅賜某物兼賜酒三拜喝
好去軍將從人並門辭興又兩拜稽笏舞蹈賜例物酒食

宜州西南蕃黎州等處蠻王子見辭

禮閣新編大中祥符元年宜州西南蕃黎州等處蠻王子

入貢遂詔有司裁定儀注儀曰崇德殿未奏閤門無事前都一班入如長春殿即見謝辭班絕入不通唱便引當殿唱拜兩拜奏聖躬萬福又兩拜隨拜萬歲宣有勅賜某物兼酒食應喏跪投箱過起又兩拜隨拜萬歲唱各祇候出如初見着所賜衣物喫酒食後於崇德殿再引出頭其班首使副遇朔望前殿侍衛司員寮後起居常日不起居其本州差押鑾王子押衛於鑾王子前先又唱拜兩拜奏聖躬萬福又兩拜隨拜萬歲宣有勅賜某物兼賜酒食應喏跪投箱過俛伏興又兩拜隨拜萬歲唱祇候出其朝辭日未奏閤門無事前都一班入如長春殿即見謝辭班絕入不通便引當殿唱拜奏聖躬萬福又兩拜宣有勅賜某

物兼賜酒食應喏跪授箱過起又喝拜兩拜隨拜萬歲喝
好去出其本州差來押衙即門辭

海外進奉蕃客見辭

禮院儀注大中祥符元年海外蕃客入貢遂詔有司裁定
儀注儀曰崇德殿未奏閣門無事前部一班捧表函入如
長春殿即見謝辭班絕後入西向立候通事起居訖不通
引當殿跪進表函舍人接出客省進內喝拜兩拜奏聖躬
萬福又兩拜隨拜萬歲出班致謝詞面天顏訟路館券都
城門外茶酒歸位又兩拜隨拜萬歲又出班附起居歸位
又兩拜宣有勅賜某物兼賜酒食應喏跪授箱過又兩拜
隨拜萬歲喝各祇候出着所賜衣服喫酒食於崇政殿再

引出頭使副遇朔望日前殿侍衛司員寮後起居常日不起居其朝辭日崇德殿未委閤門無事前都一班入如長春殿即辭班絕後入西向立候通事起居訖不通便引當殿喝拜兩拜奏聖躬萬福又兩拜宣有物賜某物兼酒食應喏跪投箱過又兩拜隨拜萬歲喝好去出其通事見辭及朔望日並先入起居已上高麗文臣及海外蕃客入見及辭並須就百官大起居日一每有海外進奉蕃客等朝見具劄日子與朝見奏目同奏進奉人某甲已著衣服喫酒食後依例於崇政殿無公事後再引出頭至崇政殿臨引出又口奏一或遇前項海外進奉蕃客同日見辭班次先高麗次交州次海外蕃客次出後諸蠻王子等

太常因革禮卷第八十四

太常因革禮卷第八十五

新禮十八

常行儀衛

明肅皇后儀衛

常行儀衛

太常新禮康定元年九月參知政事宋祥上言車駕行幸
自非郊廟大禮具陳鹵簿外其常日導從唯前有駕頭後
擁扇繼而已殊無典禮所載公卿奉引之盛其時侍從及
百司官屬下至廝役皆雜行道中步輦之後但以親事官
百許人執楹以殿謂之禁衛諸班勁騎頗與乘輿相遠而
士庶觀者率隨扈從之人夾道馳走喧呼不禁所過有旗

亭市樓皆垂簾外蔽士民憑高下矚了無忌憚通司街使亦不呵止威令弛闕習以爲常非所謂旄頭先驅清道後行之慎且自黃帝以神功盛德猶假師兵爲營衛則防微禦變古今一體按漢魏以降有大駕小駕之儀至唐又分殿中諸衛黃麾竿仗名數次序各有施設國朝承五代荒殘之弊事從簡略每駕鑾游豫盡去戈戟旌旂之制儀衛寡薄頗同藩鎮此制度放失憚於改作之咎欲望聖慈專委一二博學近臣檢討前代儀注及鹵簿今將今來乘輿常時出入體式於三駕諸仗內斟酌儀物增嚴條禁上以示尊極次以防未然革去因循宜在茲日詔太常禮院與兩制詳定參以舊議別加新制云其舊儀殿前司隨駕馬

隊凡諸班直內殿前指揮使全班祇應左班七十六人二十四人在駕前左邊引駕五十二人在駕後作兩隊每隊二十六人隨駕右班七十七人二十四人在駕前右邊引駕五十三人在駕後作兩隊一隊二十七人一隊二十六人隨駕二十七人第一隊二十六人第二隊內殿直五十四人散員六十四人散指揮六十四人都頭五十四人散祇候五十四人金槍五十四人茶酒班祇應殿侍百五十七人東第二班長八祇候殿侍十八人駕後動樂三十一人馬隊弩手分東西八十五人招箭班三十五人散直百七人鈞容直三百二十人御龍直百四十二人御龍骨朵子直二百二十人並前班祇應御龍弓箭直百三十三人

御龍弩直百三十三人寬衣天武指揮二百一十六人

各有引儀

使指揮

若隨駕不使馬隊即減內殿直散員散指揮散都

頭散祇候金槍等直仍減東西班馬隊弩手八十五人餘

並同上凡皇城司隨駕人數崇政殿祇候親從四指揮共

二百五十二人執擎骨朵充禁衛崇政殿門外快行祇候

親從第四指揮五十四人車駕導從兩壁隨行親從親事

官共九十六人並於駕前先行行幸所到之處充行官司

把門灑掃祇應

以上並著儀注衣服各有正副頭節級十將

今尚書兵部供到

黃麾仗內法物罕罕各一執人並服緋繡寶相衫大口袴

白勒帛武弁五色繡氅子並龍頭竿柱第一青繡孔雀氅

第二緋繡鳳氅第三青繡孔雀氅第四皂繡鵝氅第五白

繡鵝毳第六黃繡雞毳各隨毳色服繡寶相衫綉抹額行
膝襪襪牙門旗執人並服緋繡寶相衫繡抹額白袴銀帶
擔人執弓箭又六軍儀仗司供到儀仗法物內師旂四口
克門旗二口各一人執分左右二口各十四人執偕分左
右又左金吾引駕仗供到牙門旗十四口開五門每門二
口每口一人執二人夾計三十人並騎服緋純繡寶相寬
衫抹額白絹綉銀帶夾人執弓矢監門校二十人每門四
人並服紫純繡師子袍抹額帶儀萬馬鞍靴騎二口係前
步甲第七步前二口係前步黃麾第一步前二口係後步
黃麾第一前二口係後步甲第一步前二口係後步甲第
七步前四口開二門每門二口每口一人執二人夾計十

二人並騎服緋衣繡寶相寬衫抹額白絹袴銀帶監門校尉六人並服紫純繡師子袍抹額帶儀刀烏馬安靴騎二口係兵部班劍儀刀隊後二口係真武隊前右金吾引駕仗供到牙門旗十四口制同左仗今兩制同禮官議略準小駕制度添清道馬罕畢旂麾等物別為常行禁衛如左清道馬百匹並帶器械分五行行二十五人請下殿前司於諸班內差罕畢各一分左右並騎牙門旂前後各四分左右並騎緋繡鳳麾二十四分請於親從以上亦請下殿前司於諸班內差左右並騎請於親從以上亦請下殿前司於諸班內差以上新添百六十二人凡天武官舊二百一十六人空行合添執柯舒為一重親從官舊百四十五人今添百五十五人通為三百人為一重殿前指揮使

舊四十八人今添百五十二人通為二百人或於近上諸

班相兼差充並騎為一重以上因舊人數添

舊四百九人新添五百七

人共七百一十六人凡駕前殿前指揮使親從官為二重左右相對

各開二門門約二丈每門並差人員各二人押當第一門

與通事舍人相對第二門與閤門使相對每有臣寮迎駕

起居並令中道候起居畢於左右門出其諸色人止令於

衙門旂前道旁起居不得更入禁衛中

每門外重今殿前指揮使執旂二面

以表門用轉光錯米旂

凡百司祇應人於禁衛內無執掌者及隨駕

臣寮除合將入禁衛從人數外餘並令於殿前指揮使行

外左右前後行凡前牙門旂以後後牙門旂以前並屬禁

衛中不得輒入犯者令禁衛收領送所司凡中書樞密院

臣寮並於從內第三重寬衣天武內行馬其餘隨駕文武
臣寮並在從內第四重殿前指揮使內分左右依官位行
馬凡車駕經歷去處若有閣樓並不得垂簾障蔽及止絕
士庶不許臨高矚下止於街兩旁任立觀看即不得夾路
喧呼馳走犯者巡檢人捉送所司重斷仍令門封府常切
嚴行指揮

前牙門已後不在此限

今除新添儀衛人數外其自

來常定隨駕人數並請如舊凡車駕未出皇城門宣德左
右掖門東華拱宸門及已至所幸處即自有門禁不用牙門
旂約束凡車駕已在道前牙門旂雖行後牙門旂未行除
止絕閑雜行人外其隨駕臣僚官司人等並依常例次第
赴合隨從及行馬去處前牙門旂在清道馬後約十步已

來後牙門旂在駕後殿前指揮使之後凡街巷寬濶處儀衛並依所圍排列如遇窄狹街巷禁衛只用親從官二重御龍直二重雉扇隨輦其殿前後指揮使天武官並權分於駕前後隨行候至寬濶處乘輿徐行儀仗却依舊排列武輦幸園苑宮觀寺院并臣寮宅即清道馬儀仗殿前指揮使天武官更不入却於外排立其隨駕臣寮及諸司人自依常例隨從候駕行依次排列或臣寮宅在巷口前去不通人行處其儀仗殿前指揮使等各於巷口排列止絕行人餘並如故

時詳定開習既畢或言新制嚴密慮違犯者眾因不果行

莊獻明肅皇太后儀衛

國朝會要天聖元年有司言皇太后車駕出合設護衛御

龍直都虞候一人都頭三人副都頭一人十將長行五十人骨朵子直都虞候一人都頭二人副都頭二人十將長行八十人弓箭直指揮使一人都頭二人副都頭二人十將長行五十人弩直指揮使一人都頭二人副都頭二人十將長行五十人殿前指揮使兩班左班都虞候一人都知一人行門三人長行二十人帶器械右班指揮使一人都知一人行門三人長行二十八人帶器械皇城司禁衛一百人寬衣天武二百人供御輦官六十二人寬衣天武百人餘諸司祇應鳴鞭侍衛如乘輿之儀

太常因革禮卷第八十六

新禮十九

五月朔受文武百寮朝

降聖節皇太子押文武百寮捧觴上壽

百官詣萬安宮賀皇太后

上皇太后尊號寶冊

內外命婦稱賀

五月朔受文武百寮朝

禮閣新編建隆二年有司言古之王者順冬夏消息之情
爲朝廷聚會之節冬至陽之始君父道長夏至陰之始臣
子道長世之君臣父子象乎天地者也當臣子道長之時

君將有所嫌焉故北面使之入朝不使之賀唐正元六年
德宗以是月御紫宸受百寮朝又下詔旨褒大其事且曰
中思卿士自我為初仍編禮文以為常典國家推本有唐
故事宜因歲時行之令定儀注云前一日陳設尚舍奉御
設座於崇元殿南向

祖宗以來所御之殿不常也

守宮與所司設文

武百寮皇親諸親及客使等次於朝堂以候太樂今展宮
縣之樂於殿廷橫街之南各依方位次設協律郎位二一
位於殿上西階之西前楹間一位於樂懸西北俱東向又
設解劍褥位於殿東西階下典儀設中書門下翰林學士
兩省御史臺供奉官位於香案之南又設文武三品已上
尚書省四品已上橫行位於橫街之南北向設文武常參

官位又於其南東西相向每等異位重行以北為上又設
皇親諸親及九品已上陪位官等位於東懸之南東西相
向其諸州客使及外官因在京者各位於文武本品之下
蕃客等又於其南奉禮郎又設文武三品已上尚書四品
於崇元門外文武官在東如常儀

受朝

其日依時刻陳布將士填街及左右金吾六軍諸衛勅所
部屯門量排仗衛陳於殿廷如常儀文武百寮及郡官客
使等俱入朝陪位官等並公服其近仗就陳於閣外太樂
令帥樂官工人先就位太常卿押樂協律郎入就舉麾位
諸侍衛之官各服其器服符寶郎奉寶詣閣奉迎通事舍

人分引中書門下翰林學士兩省御史臺供奉官文武四品已下群官客使陪位官等俱入就位立定次通事舍人引侍中版奏請中嚴僊伏興復位少頃又奏外群殿上承旨索扇扇上皇帝服通天冠絳紗袍御輿以出曲直華蓋侍衛如常儀協律郎舉麾太樂令令撞凝賓之鐘夷則無射黃鐘大呂夾鍾仲呂六鍾五應鼓祝奏隆安之樂作皇帝執圭出自西房即御座南向扇開協律郎偃麾戛鼓止符寶郎奉寶至於御座前候殿上漆香通事舍人分引文武三品已上尚書省四品至崇元門入初入門正安之樂作又引中書門下翰林學士兩省御史臺供奉俱就橫行位至位樂止典儀曰再拜舞蹈三稱萬歲又再拜起居訖

又再拜通事舍人引太尉詣西階下位

太尉每行樂解劍作立位

脫舄升詣御座前跪致詞

其詞中書

訖俛伏興退降階佩

劍納舄復位興儀曰再拜在位官皆再拜舞三稱萬歲

又再拜訖分班東西序立通事舍人引侍中詣東階下解

劍脫舄外進御座跪奏稱攝侍中具位臣某言禮畢俛伏

興退降階佩劍納舄位立定次殿上承旨索南南上協律

郎俛伏興舉麾太樂令奏隆安之樂皇帝降旨放仗文武

百寮相次退 禮院儀注太平興國三年於太樂令展宮

懸增設熊羆十二案如正冬之儀 國朝會要太平興國

三年五月朔御乾元殿受朝如冬至之儀時以陳洪進錢

俶來朝故也 禮院儀注咸平三年五月一日欲行上壽

禮院奏五月一日皇帝御殿文武百僚九品已上外官因
朝奏成得就列未闕曾行上壽之儀伏乞御殿日不行上
壽詔可 國朝會要咸平三年三月朔前一日所司於乾
元殿陳仗衛質明將受朝以南沾服命閤門使宣放仗百
寮常服起居於長春殿退詣正衙立班宣制 禮院儀注
咸平四年禮院奏五月一日受朝若別降制書則乞於舊
儀於在位官再拜舞蹈三稱萬歲又再拜下壇添宣徽使
自御座前捧制降自東階至於案押至中書門下班前北
向曰宣付中書門下班首詣制案前跪播笏捧受興復位
轉付通事舍人捧制詣文武班前稱有制典儀曰再拜在
位官皆再拜宣制訖捧制跪授中書門下班首轉付刑部

侍郎跪受訖通事舍人分引中書門下及應橫行宮舍班
立定典儀曰再拜在位官皆再拜訖通事舍人引中書門
下班首一人就西階下解制脫履外詣御座前俛伏跪稱
其賀詞中書門下撰賀訖俛伏興退降階佩劍納履復位
侍中詣東階升進當御座前承旨退臨階西向稱有制典
儀曰再拜在位官皆再拜舞蹈三稱萬歲又再拜分班餘
如舊儀

降聖節皇太子押文武百寮奉觴上壽

禮閣新編天聖三年詔今後凡遇慶會皇太子押文武百
寮上壽是歲降聖節上壽於崇德殿守宮前一日尚舍奉
御設御座於崇德殿守宮設文武百寮幕次如常儀尚食

奉御設壽罇於殿東序之南西向皆有蓋竿羣官酒罇於殿之上下東西廂皇太子進壽酒位於御座前北向中書門下翰林學士文武二品已上尚書省四品已上兩省五品已上御史中丞侍宴位於御座東西重行相向其不升殿者位於東西廊下致仕前資官文武九品已上皇親諸國諸州進奉使並於殿廷陪臣

上壽

其日文武百寮絕早先詣上清宮行香畢依常朝赴崇德殿行上壽之禮中書門下翰林學士兩省御史臺文武百官陪位官並早入常服就次

舊儀一品致仕官舊致仕以
年事已上擬中書門下班以

候殿廷相次立班定問門使引皇太子殿上西向立問門

奏班齊皇帝常服升御座東西班起居訖通事舍人引中書門下文武百寮並橫行皇太子殿上橫行典儀曰再拜在位官俱再拜舞詔三稱萬歲又再拜皇太子奏聖躬萬福又再拜訖引皇太子稍東立百僚分班東西序立散坊司已下入見如常儀訖百寮並橫行皇太子橫行典儀曰再拜隨拜三呼萬歲訖引皇太子詣酒樽所北向尚食奉御酌御酒一爵授皇太子稽筭執爵跪進皇帝執爵皇太子執盤子興少退當御座前僉伏奏稱皇太子臣某等稽首言降聖令節臣等不勝大慶謹上千萬歲保生壽酒奏訖俯伏興稍退立典儀曰再拜皇太子并百寮皆再拜隨拜三呼萬歲訖且恭候宣徽使承旨面西宣曰得卿等保

主壽酒與卿等內外同慶宣答訖典儀曰再拜皇太子并
百寮並再拜隨拜三呼萬歲訖皇太子詣御座前侍立百
寮分班東西立黃帝舉酒教坊奏樂候飲訖皇太子跪受
虛爵復如北執笏橫行百寮並橫行典儀曰再拜皇太子
并百寮皆再拜搢笏舞蹈三呼萬歲又再拜訖皇太子歸
西侍立位
殿下百寮且躬候宣徽使承旨退臨街西向宣曰羣官升
殿典儀曰再拜羣官隨拜三呼萬歲通事舍人引中書門
下并一品致仕官舊授平章事已上及翰林學士文武二
品尚書省四品已上御史中丞詣東西階升殿立羣官各
就席後立尚食奉御進酒殿中監捧進酒以皇帝舉酒
奏樂飲訖殿中監受虛爵皇太子并中書門下並橫行通

百官詣萬安殿賀皇太后

禮閣新編咸平三年十月詔自今正冬令百官詣萬安宮賀皇太后有司遂詳定儀注曰前一日所司於萬安宮門外量地之宜設禮部郎中押箋案位西向設中書門下捧牋位於牋案之南其日候皇帝御殿禮畢所司承旨放仗文武百官退釋朝服常服詣萬安宮門外北向立班定禮部郎中押牋案至位少退西向立典儀曰再拜在位官俱再拜禮官通事舍人引中書門下詣牋案禮部郎中取牋其牋案先退跪授中書門下俛伏興中書門下捧牋已授內侍跪受訖並興候中書門下退還本班立定捧牋入進文武百寮相次退外命婦進牋如常儀

皇帝上皇太后尊號寶冊

禮院例冊明道二年皇帝欲上皇太后尊號寶冊遂招有司詳定儀注儀曰前一日陳設尚舍奉御設皇太后皇帝御座於文德殿後量地之宜又設皇太后御座於文德殿當中門南面殿上垂幕幕前設香案又設太尉司徒奉冊贊褥位當御座前楹間又於殿西階下設寶素褥位及太尉司徒解劍褥位以北爲上俱東向設讀冊中書令解劍褥位於太尉褥位之南又於殿東階下設讀贊侍中解劍褥位西向守宮設羣官及皇親諸親次於文德殿朝堂如儀太樂令展宮架樂於殿廷鼓吹全分置熊羆十二案於建鼓之外協律郎舉麾位二其一位於殿上西階之西東

向其一位於梁架西北東向並如常儀其日與設文武三
品尚書省四品已上北向位於殿廷又設武官三品已上
北向位於近西俱每等異位重行相對為首又設常設文
官一品已下位於近西東向又設常參武官一品已下位
於近西東向俱以北為上每等異位又設宗親五品已上
位近南當文武三品之南每等異位重行西向北上其見
參官者各又設諸親三品已上位於次南當武官三品之
入本官班南每等異位重行東向北上其見其節度觀察
者各入本官班防園刺史新陳未及諸道使人并外官朝奏在京者各依
本官班序又設文官六品已下位於刺史南每等異位重
行俱西向北上又設武官六品已下位於其南與文武六

品已下相對每等異位重行俱東向北上又設典儀位於
文官位之東北贊者二人在南少退俱西向奉禮郎設文
武三品尚書省四品已上門外位於文德殿門外東西相
向以北爲上冊案位於文官之東少前太常卿位於冊案
之前寶案次之裝冊寶官各隨冊寶案入又於文德殿門
外設寶冊僅次量地之宜又於天安殿後量地之宜設寶
冊僅次又於天安殿前橫街南設皇帝發冊寶冊位北向
又設太尉司徒受冊寶冊位面東側向又於其南設置冊
寶冊位四二位在東二位在西東西相向冊在北寶在南
其日早主當內臣自內先次奉冊寶出內赴天安殿中書
門下兩省依援衛皇帝冊寶例祇應援衛赴天安殿後惟

次奉安如式

天安殿發皇太后冊寶

其日皇帝候皇太后行恭謝禮畢還內皇帝自內常服乘輿赴天安殿階次宣事舍人分引羣官太尉司徒應行事公卿文武百官各服其服就位立定侍中收奏請中嚴少頃又奏外辦簾捲禮儀使當御座前佖伏跪奏稱具官臣某言請皇帝發皇太后尊號冊寶奉訖佖伏與皇帝服通天冠絳紗袍以出殿中監跪進主禮儀使與閤門使前導皇帝隨冊寶降自西階其冊寶內臣主當職事捧昇至殿廷置在橫街東南向褥位冊在北寶在南皇帝至殿廷北向褥位立定捧冊寶官捧冊寶素太常卿吏部侍郎禮部

侍郎引至當中間褥位

冊寶素仍置於此

禮儀使奏請

皇帝再拜興儀曰再拜贊者承傳應在位官皆再拜

應行

冊寶再拜訖禮官引太尉司徒就受冊寶位禮儀使奏

請皇帝播圭跪捧冊授太尉太尉播笏東向側身跪受又

奏請捧寶授司徒司徒播笏東向側身跪受訖奏請伋伏

與太尉司徒奉冊寶素置於近東西向褥位禮儀使奏請

皇帝歸御惟殿中監跪受圭改常服來與赴文德殿朝堂

奉次其冊寶置於輿上授衛如儀太常卿前引大司馬侍郎

押冊太尉從後禮部侍郎押寶司徒從後舉冊寶官夾侍

以出天安殿門由右昇龍門入朝堂赴文德殿門外惟次

奉安如式太尉司徒已下各就次以俟上冊

上冊寶

其日依時刻諸衛各率其屬勅所部屯門殿廷列仗衛文

武軍官宗親客使等應合集者並集文德殿朝堂次各服

其服太尉以冊捧置於案吏部侍郎一員其冊案四人對

差五品六品各資官元舉司徒以寶置於案禮部侍郎一

員押元入立於殿西階下皆盛以匣覆以帕俱詣文德殿

門外之東太尉之前太樂令率工人入就位協律郎入就

舉麾位諸侍衛之官服其器服中書門下翰林學士兩省

御史臺供奉官立於殿階下香案前左右如常入闕之儀

侍中版奏請中嚴近仗就陳於闕外如常儀典儀率贊者

各入就位所司贊羣官各服朝服諸親客使俱出次宣事

舍人各分引就位

其三品已上應北面位者外子以候

侍中版奏

外辨所司承旨素扇扇上坐太后服儀天冠袞衣以出行

障座障方圓扇侍衛警蹕如常儀皇太后將出仗動協律

郎跪伏興舉麾鼓祝太宋令合奏聖安之樂皇太后出

自殿後歷次即御座南向坐扇開協律郎偃麾受致樂止

凡宋皆協律郎舉工鼓祝而後禮官宣事舍人分引太尉

已下文武羣官應北面位者自文德殿門東西各就北面

橫行位太常卿前導冊案至殿西殿下少東北向置冊案

訖凡未時行舉麾奏禮安之樂至太尉司徒太常卿吏部

侍郎禮部侍郎各入本班立定其舉冊持冊官舉典儀曰

再拜凡典儀有司太尉已下羣官諸親客使等應在位者

皆再拜訖分班東西序立禮官宣事舍人前引太常卿隨

行吏部侍郎押冊素以次而行太尉從之凡太尉司徒行

皆人贊此下禮部侍郎次押冊素而行司徒從之相次詣西

階至解劍褥位其請冊中書令請贊侍中侯冊素將至階

未以西相對太尉東向解劍脫鵠置於褥訖冊素先升太尉

從冊素以升其冊正蓋先置於階下利素上其贊素末向

階吏部侍郎押冊升進至褥位當御座前訖太尉揖易北

面跪捧冊素稍前訖俛伏興退立中書令當冊素前跪執

易稱攝中書令具官臣某請冊其冊正對舉素者舉素侍

讀訖俛伏興揖易奉冊興於褥束廻冊函北向進跪置於

御座前訖中書令舉冊官俱降還侍立太尉降階納鵠帶

刻訖水向以俟禮部侍郎次押寶素升

其寶西蓋先置司於階下則案上

徒隨素升進至樽位司徒播笏北向跪捧寶素稍前訖俛

伏興退立侍中進當寶素前跪執笏稱攝侍中具官臣某

請寶

其寶西對舉立案侍郎引進就西階下水向上

讀訖俛伏興播笏奉寶興於

樽末迴寶函北向進跪置於御座前冊之南訖侍中舉寶

官俱降還侍位太常卿降自西階俱復本班司徒就解劍

傳位納弔帶刻訖復東向禮官宣事舍人贊引太尉司徒

進詣香案前分班東西序立內侍贊引皇帝服承天冠絳

紗袍簾內詣皇太后御座前奏請皇帝再拜訖又奏請皇

帝北向跪贊曰嗣皇帝臣言皇太后陛下再崇徽號昭煥

業瀛伏惟與天同壽不勝欣忭伏興又再拜訖奏請皇

帝且立內侍詣御座前承旨退西向稱皇太后聖旨皇帝
孝恭至誠貫於天地受茲徽號感慰良深皇帝再拜內侍
引皇帝歸御座應階下太尉文武百寮並橫行立定典儀
曰再拜在位官皆再拜禮官宣事舍人引太尉詣西階下
東向解劍脫舄外進當御座前跪賀稱文武百寮稱太尉
具官臣某等稽首言代惟皇太后陛下載崇徽號彌煥盛
猷凡在臣民不勝欣忭賀訖俛伏興降自西階納舄帶劍
詣闕位立定典儀曰再拜太尉及羣官俱拜舞蹈三稱萬
歲又再拜訖侍中升自東階進當御座前承旨退臨階西
向稱皇太后聖旨典儀曰再拜太尉及郡官在位者俱再
拜訖宣曰薦膺徽號感賜良深所賀知宣訖降還侍位典

儀曰再拜太尉及羣官在位者俱再拜舞蹈三稱萬歲又再拜訖太尉司徒選就位立定宣事舍人分引應北向位官各分班東西立定侍中升自東階進當御座前跪奏稱攝侍中具官臣某言禮畢伏興降還侍位所司承旨素扇扇上協律郎伏興舉麾鼓祝太樂令令奏聖安之樂太皇后降座還殿後惟次侍衛警蹕如來儀扇開樂止侍中板奏解嚴中書侍郎率捧案官升殿捧寶置於案訖禮官宣事舍人贊引詣內東上閤門狀進所司承旨放仗文武百寮並再拜訖退如常儀

內外命婦稱賀

其日候皇太后御文德殿受冊禮畢赴內殿受內外命婦

稱賀所司預於殿內設皇太后御座如常儀司賓引內命婦於庭北向立定尚儀奏請皇太后升御座司贊曰再拜命婦再拜訖司賓引班首詣西階升進當御座前跪賀稱妾某氏等言伏惟皇太后陛下鴻慈廣被徽號維新元在照臨不勝欣忭言訖起降復位司贊曰再拜命婦俱再拜尚言詣御座前承旨降自西階於命婦之北東向稱皇太后聖旨司贊曰再拜在位者皆再拜訖宣答曰恭膺徽號感惕良深司贊曰再拜在位者皆再拜訖退司賓引外命婦入再拜賀一如內命婦之儀

其外命婦內嫔者分引於
其次外各依班序立

賀訖皇太后降座如來儀內外命婦退赴別殿賀皇帝

一如賀皇太后之儀

惟不致詞
不宣

其不入內外命婦及兩京

留司官及外道命婦並奉表稱賀如儀式

太常因革禮卷第八十六